

Tin luz den horizonte

Despues di un silencio hermetico awor Joran a cuminza "Canta"

ORANJESTAD (AAN): Fuentenan digno di credito, a indica na DIARIO cu e "speranza tey", pa soluciona e caso di desaparicion di Natalee Holloway di Alabama.


Ta mas cu dos luna caba cu bida di comunidad Arubano, como tambe miyones di hende na Merca ta den tension pa cu e caso aki cu ta bay den historia cu tanto atencion di medionan local y

internacional.

Nunca antes pais Aruba a conoce tanto publicidad asina pa cu e caso di desaparicion di e mucha muher Mericano. Tur dia na diferente canal di television

den exterior nomber di pais Aruba ta worde menciona. Tin comentarista y tambe invitadonan ta probecha di bisa cosnan for di sla, otronan den un forma mas serio ta relaciona e ultimo desaroyonan relaciona cu e caso Natalee.

Tambe algun dia pasa, varios canal Mericano a cita DIARIO ora cu riba su prome pagina a muestra, cu Joran ta actua estilo "Ciego, Mudo, y Sordo" pa e preguntanan haci pa e team Special di Recherche Arubano, Hulandes, y hasta FBI.



Lengua di Joran a cuminza "los"...

Hasta a menciona cu ta contra di muraya Recherchenan ta papiando.

Mientras tanto fuentenan digno di credito a muestra, cu e Specialistanan Hulandes y Recherche local a cuminza sinti y a nota cu e unico

sospechoso deteni den e caso di Natalee, esta Joran, a cuminza slek su lenga.

Pa basta tempo el a haci uso di zwijsrecht, esta derecho di keda keto. Pero diripiente awor ta nota un luz na horizonte cu e sospechoso a cuminza ta reacciona. Esaki caba ta indica cu "Joran" a comprende cu haciendo uso di su derecho lo por complica su caso ora e haya confronta den corte di husticia na momento e enfrenta Huez(nan).

Na e momento nan aki tambe Joran ta dispone di un abogado mas cu ta labora na Buffete di mr. Arie Swaen.

Pues, e sospechoso principal Joran van der Sloot tin na su disposicion e abogadonan mr. Anthony Carlo, mr. de Bie, mr. Richi Kock y awor ta bin acerca mr. Sven Faarup.